


傷寒總病論附札記
二







傷寒總病論

附札記

(二)

龐安時撰

王雲五主編
叢書集成初編
傷寒總病論
附札記
二冊

中華民國二十六年六月初版

有

撰者 龐安時

發行人 王雲五
上海河南路

印刷所 商務印書館
上海河南路

發行所 商務印書館
上海及各埠

傷寒總病論卷四

暑病論

暑病表證

素問載五種暑病

時行寒疫論

時行寒疫治法

聖散子方

斑豆方論

溫病發斑治法 小兒證附

暑病論

龐曰冬傷於寒夏至後至三伏中變爲暑病其熱重於溫也。有如傷寒而三陰三陽傳者有不依次第傳。如見五藏熱證者各隨證治之。

暑病表證

暑病代桂枝并葛根證。

桂枝

芍藥

知母

生薑

各壹兩半

甘草

壹兩

黃芩

壹兩半

葛根

貳兩

棗

拾陸枚

咬咀水六升煮取三升通口服一盞相次取汗。

暑病代麻黃證。

桂枝 杏仁 知母各壹兩 麻黃參兩 甘草 黃芩各壹兩

煎如前法。

暑病代青龍湯證。

麻黃貳兩 石膏參兩 知母 桂枝 甘草各壹兩

杏仁參拾枚

生薑壹兩半

棗拾個

如前煎服。

暑病代葛根麻黃證。

葛根貳兩 麻黃壹兩半 桂枝 甘草 知母

黃芩

芍藥各壹兩

生薑壹兩半

棗拾枚

如前煎服。

暑病三日外至七日。不歇內熱。令人更相染。大青消毒湯。

大青 芒消各貳兩 山梔子壹兩 石膏肆兩

鼓半升 濕地黃半升

咬咀水七升。煮取三升。去滓。下芒。消化之。溫服一盞。以熱除爲度。

暑病通用白虎。一如傷寒與喝證用之。方在厥陰證中。

暑病通用麥奴丸。方在雜汗證中。

暑病若吐下後。別見形。一如傷寒門治之。

暑病噦逆發斑瘡豆壞。一如溫病門治之。已上四條先生所論。

預防熱病急黃。賊風葛粉散。

葛粉貳升

生乾地黄壹升

香豉半升

細末。食後服方寸匕。牛乳蜜湯竹瀝米飲烏梅湯任性調下。日三服。有病者日五服。

素問載五種暑病

肝熱病者先左頰赤。肺熱病者先右頰赤。心熱病者顏先赤。顏。額也。腎熱病者。頤。頰也。脾熱病者鼻先赤。

土主中央。

病雖未發。見赤色刺之。名曰治未病。

肝熱病者先小便黃。腹痛多臥。身熱熱爭則狂言及驚。脅滿痛。手足躁。不得安臥。庚辛甚。甲乙大汗。氣逆。

則庚辛死。刺足厥陰少陽。其逆則頭痛員員。脈引衝頭也。

心熱病者先不樂。數日乃熱。熱爭則卒心痛。煩悶喜嘔。頭痛面赤無汗。壬癸甚。丙丁大汗。氣逆則壬癸死。

刺手少陰太陽。

脾熱病者先頭重。頰痛心煩。顏青欲嘔。身熱熱爭則腰痛。不可俛仰。腹滿泄。兩頷痛。甲乙甚。戊己大汗。氣逆則甲乙死。刺足太陰陽明。

肺熱病者洗淅然。厥起毫毛。惡風寒。舌上黃。身熱熱爭則喘咳。痛起走胸膺背。不得太息。頭痛不任。汗出而惡寒。丙丁甚。庚辛大汗。氣逆則丙丁死。刺手太陰陽明。出血如豆大立已。

腎熱病者先腰痛。胠痠苦渴。數飲水。身熱熱爭則項痛。員員澹澹然。戊己甚。壬癸大汗。氣逆則戊己死。刺足少陰太陽。諸汗者至其所勝日汗出也。

龐曰五種熱病。肝腎二藏有逆證。心脾肺三藏亡逆證。凡五種熱病。二三日逢剋未爲逆。忌在五六日也。時行寒疫論

病源載從立春節後。其中無暴大寒。又不冰雪。而人有壯熱病者。此屬春時陽氣發於冬時。伏寒變爲溫病也。從春分以後至秋分節前。天有暴寒。皆爲時行寒疫也。三月四月。或有暴寒。其時陽氣尙弱。爲寒所折。病熱猶輕。五月六月。陽氣已盛。爲寒所折。病熱則重。七月八月。陽氣已衰。爲寒所折。病熱亦微。其病與溫病暑病相似。但治有殊耳。其治法初用摩膏火炙。唯二日法針。用崔文行解散。汗出愈。不解。三日復發汗。若大汗而愈。不解者。勿復發汗也。四日服藜蘆丸。微吐愈。若病困。藜蘆丸不吐者。服赤小豆苧蒂散吐。

之已解視病尙未了了者復一法針之當解不解者六日熱已入胃乃與雞子湯下之愈無不如意但當諦視節度與病耳食不消病亦如時行俱發熱頭痛食病當速下之時病當待六七日時病始得一日在皮二日在膚三日在肌四日在胸五日入胃入胃乃可下也熱在胃外面下之熱乘虛入胃然要當復下之不得下多致胃爛發斑微者赤斑出五死一生劇者黑斑出十死一生人有強弱相倍也病者過日不以時下之熱不得泄亦胃爛斑出矣若得病無熱但狂言煩躁不安精神言語不與人相主當者治法在可水五苓散證中

此巢氏載治時行寒疫之法焉。溫病暑病相似。但治有殊者。據溫病無摩膏火灸。又有冬溫瘡豆。更有四時藏府陰陽毒。又夏至後有五種熱病。時令盛暑。用藥稍寒。故治有殊也。

時行寒疫治法

初得時行赤色頭痛項強兼治賊風走疰寒痺趙泉黃膏

大黃

附子

細辛

川椒

乾薑

桂枝

巴豆

各壹兩
伍拾粒

咬咀苦酒漬一宿以臈月豬骨一斤煎調火三上三下去滓收之傷寒赤色熱酒調服梧桐子大一枚又以火摩身數百遍兼治賊風最良風走肌膚追風所在摩之神効千金不傳

崔文行解散時氣不和傷寒發熱

桔梗

細辛

白朮

烏頭

炒
各肆兩
捌兩
壹斤

細末傷寒服一錢五銖匕。不覺復小增之。以知為度。若時氣不和。且服一錢五銖匕。辟惡欲省病。一服了去。此時行寒疫通用之。無病者預服以辟寒為佳。皆酒調下。

藜蘆散溫辟溫疫傷寒。

藜蘆

躑躅

乾薑

各肆分

牡丹皮

皂角

各伍分

細辛

附子

各叁分

桂枝

朱砂

各壹分

末之。絳囊帶一方寸匕。男左女右。臂上着之。覺有病之時。更以粟米大內鼻中。酒服一錢匕。覆取汗。日再當取一汗耳。

赤小豆瓜蒂散在厥陰證中。

雞子湯治熱盛狂語欲走。

生雞子

柒枚

芒消

壹兩

井華水一大升。同攪千遍。去沫。頻服之。快利為度。

豬苓散即傷寒門五苓散也。在可水證中。

已上五方。載巢氏治時行寒疫合用之方。

龐曰。摩膏火炙可行於西北二方。餘處難施。莫若初服解散赤散之類。如轉發熱而表不解。乃行後四方為佳。天行壯熱煩悶無汗者。麻黃葛根湯。

麻黃 伍兩
葛根 四兩

龕末每服五錢。水二盞。梔子二箇。葱白五寸。豉一撮。煎八分。去滓沫。溫溫相次四五服。取汗止後服。

天行一二日麻黃湯。自汗者去麻黃加葛根二兩。

麻黃 貳兩
石膏 壹兩
貝齒 五箇
升麻
亦得無

甘草
芍藥 各壹兩
杏仁 肆拾箇

龕末每服五錢。水二盞。煎八分。溫服。取汗止後服。

葛根解肌湯。汗後表不解。宜服此。自汗者去麻黃。

葛根 肆兩
麻黃
芍藥
大青
甘草

黃芩
桂枝 各貳兩
石膏 叁兩

煎如前法。

詔書發汗白薇散。治時氣二三日不解。

白薇 貳分
杏仁 叁分
貝母 叁分
麻黃 柒分

細末。酒調下方寸匕。相次二三服。溫覆汗出愈。湯調亦得。

聖散子方。此方蘇子瞻尙書所傳。有序文。

昔嘗覽千金方。三建散於病無所不治。而孫思邈特爲著論。以謂此方用藥節度。不近人情。至於救急。其驗特異。乃知神物効靈。不拘常制。至理開感。智不能知。今予所得聖散子。殆此類也歟。自古論病。唯傷寒至危急。表裏虛實。日數證候。應汗應下之法。差之毫釐。輒至不救。而用聖散子者。一切不問陰陽二感。或男女相易狀。至危篤者。連飲數劑。則汗出氣通。飲食漸進。神宇完復。更不用諸藥。連服取差。其餘輕者。心額微汗。正爾無恙。藥性小熱。而陽毒發狂之類。入口卽覺清涼。此殆不可以常理詰也。時疫流行。平旦輒煮一盞。不問老少良賤。各飲一大盞。則時氣不入其門。平居無病。能空腹一服。則飲食快美。百疾不生。真濟世衛家之寶也。其方不知所從來。而故人巢君穀世寶之。以治此疾。百不失一二。余旣得之。謫居黃州。連歲大疫。所全活至不可數。巢君初甚惜此方。指江水爲盟。約不傳人。余竊隘之。乃以傳蘄水人龐君安常。龐以醫聞於世。又善著書。故以授之。且使巢君之名。與此方同不朽也。其用藥如右。

肉豆蔻

拾箇

木豬苓

石菖蒲

茯苓

高良薑

獨活

柴胡

吳茱萸

附子

麻黃

厚朴

藜蘆

芍藥

枳殼

白朮

澤瀉

藿香

吳朮

蜀人謂蒼朮之白者爲白朮。蓋朮朮也。而謂今之白朮爲吳朮。

防風

細辛

半夏

各半兩。薑汁製。

甘草

壹兩

劉焯作煮散。每服七銖。水一盞半。煎至八分。去滓熱服。餘滓兩服合爲一服。重煎。皆空心服。治時氣傷寒。頭痛身熱。腰背強引頸。及中風口噤。治瘧不絕。婦人產中風寒。經氣腹大。華佗赤散方。

丹砂貳分

蜀椒

蜀漆

乾薑

細辛

黃芩

防己

桂枝

茯苓

人參

沙參

桔梗

女萎

烏頭

常山

雄黃

吳茱萸

各伍分

麻黃

代赭

各拾分

除細辛丹砂乾薑雄黃桂外。皆熬治作散。酒服方寸匕。日二。耐藥者二匕。覆令汗出。治瘧先發一時服藥二匕半。以意消息之。

烏頭赤散治天行疫氣病。

烏頭

陸分

皂角

雄黃

細辛

桔梗

大黃

各壹兩

細末清酒或井花水服。一刀圭。日二。不知稍增。以知爲度。除時氣不和。一日進一服。牛馬六畜中。天行瘴疫。亦以方寸匕。人始得病。一日時服一。刀圭。取兩豆許。內鼻孔中。

斑豆瘡論

龐曰。天行豌豆瘡。自漢魏以前。經方家不載。或云建武中南陽征虜所得。仍呼爲虜瘡。其後名醫雖載發

斑候。是發汗吐下後。熱毒不散。表虛裏實。熱氣燥於外。故身體發斑。又說豌豆疱瘡。表虛裏實。一如發斑之理。別云。熱毒內盛。攻於藏府。餘氣流於肌肉。遂於皮膚毛孔中。結成此瘡。既是裏實。熱毒內盛。則未發及欲發瘡斑。未見皆宜下之也。瘡已差。則再下之。此病有二種。一則發斑。俗謂之麻子。其毒稍輕。二則豌豆。其毒最重。多是冬溫所變。凡覺冬間有非節之暖。瘡毒未發。卽如法下之。次第服預防之藥。則每氣內消。不復作矣。有不因冬暖四時自行者。亦如法下之。古方雖有治法。而不詳備。疑當時毒熱未甚。鮮有死者耶。近世此疾。歲歲未嘗無也。甚者天枉十有五六。雖則毒氣內壞不治。因醫爲咎。又大半矣。若身疼壯熱頭痛。不與小汗。何由衰散。大腑久祕。毒攻腰脅。或心腹脹滿。不與微利。何由釋去。故當消息汗下。然則寒藥固不當行。溫藥反增熱毒。若熱勢大盛。脈候洪數。涼性之藥。不阻表裏。氣亦可通用。若寒氣阻礙。脈候浮遲。則溫性之藥。不阻表裏。氣者可冀冰釋云。不可汗下寒熱之藥。只可紫草一味者。乃滯隅之流。祇是遭逢輕疾。以自差爲功。若值重病。則拱手待斃矣。世有權貴。自信不任人拘忌。冷熱汗下。病或不救。則責醫謬誤。斯又可爲傷歎。夫調瑟者。必當移柱。故用古方。附以愚見。爲斑豆方。以小兒多染此患。故專用小湯劑。大人可倍用之。

溫病發斑治法 小兒證附

冬月觸冒寒毒者。至春始發病。病初至表。或已發汗吐下。而表證未罷。毒氣不散。故發斑瘡。又冬月天氣

温媛人感乖候之氣未卽發病至春又被積寒所折毒氣不得泄至夏遇熱其春寒已解冬温毒始發出於肌膚斑爛隱疹如錦文也。

治温毒發斑大疫難救兼治豌豆瘡不出地黄膏。

濕地黄

肆兩

好鼓

半升

以豬膏一斤和勻露一宿煎五七沸令三分去一絞去滓下雄黃末一錢匕麝香末半錢匕攪勻稍盡飲之毒從皮中出則愈小兒斟酌服。

冬温未卽發病至春被積寒所折不得發至夏得熱其春寒解冬温毒始發於肌中斑爛隱疹如錦紋而欬悶嘔吐清水宜服黃芩麻黃湯。

葛根

橘皮

杏仁

生

麻黃

知母

黃芩

甘草

各半兩

咬咀水二升煮八合去滓温温分減服之嘔吐先定便宜消息不嘔者去橘皮。

肺府藏熱暴發氣斑不可作香豉石膏湯。

香豉

貳合

葱鬚

壹兩

石膏

貳兩

梔子

叁叁

生薑

貳兩

大青

升麻

芒消

各三分

咬咀水三升煮取一升三合去滓下芒消温温分減服。

温病發斑赤斑者五死一生黑斑者十死一生大疫難救黑奴丸主之。方在雜汗證中。

冬温至夏發斑欬而心悶嘔清汁眼赤口瘡下部亦生瘡或自下利黃連湯。

黃連壹兩 橘皮 杏仁數炒 枳實

麻黃 葛根 厚朴 甘草各壹分

咬咀水三升煮一升二合去滓温温分減服下利先止別當消息小兒斟酌。

天行發斑瘡須臾徧身皆戴白漿此惡毒云永徽四年此瘡自西域東流于海內但煮葵菜蒜薑啖之則

止鮮羊血入口即定初患急食之作菜下飯亦得。

小兒時行瘡豆恐相傳染先服漏蘆湯下之本治熱毒癰疽赤白諸丹熱毒瘡癤。以下皆是小兒湯劑。

漏蘆葉無以山稻子代之。 連翹 白欬 甘草 芒消各壹分

升麻 枳實 麻黃 黃芩各壹分半 大黃肆分

咬咀水二升煮一升半下大黃煮一升去滓下芒消分減服以利爲度大人服可倍作。大黃水浸少時和水下之。

龐曰凡覺冬温至春夏必發斑豆小兒輩須服漏蘆湯下之得下後逐日空心飲甘草汁三歲以上一盞

兒小減之直候腹疼乃止未疼可飲至十日則永不發或下後飲羊血一盞則不發。

治時行豌豆瘡樺皮飲子

樺皮二兩細切。水一升。煮至半升。去滓。飲汁。分減服。

龐曰。初得病。便驚狂。不眠。渾身熱。然汗出。問之。身不憎寒。亦不惡風。其脈如數。以漏蘆湯下之。不甚數者。以大承氣湯下之。非但瘡豆。傷寒亦然。

治豆瘡毒氣不出。煩悶。熱毒氣攻腰。或腹脇痛不可忍。大便不通。五香湯主之。

麝香·半份

木香

丁香

沉香

乳香各壹分

芍藥

枳實

射干

連翹

黃芩

麻黃

升麻

甘草各半兩

大黃壹兩

麩末。每服四錢。水一盞。竹瀝半盞。煎八分。去滓。下朴消一錢匕。和服。以利爲度。

天行熱氣生瘡。身痛壯熱。水解散。

麻黃壹兩

黃芩

桂枝

甘草各半兩

細末。煖水調下二錢匕。小兒一錢。覆令小汗。熱氣在表。已發汗未解。或吐下後。熱毒不散。煩躁謬語。

此爲表虛裏實。熱氣躁於外。故身體發斑如錦紋。或不因汗下。始得病。一二日便發。皆由溫疫熱毒氣使然也。甚則發豌豆瘡。其色白或赤。發於皮膚。頭作漿。戴白濃者。其毒則輕。有紫黑色作根。隱隱

在肌肉裏其毒則重十死一生甚者五內七竅皆有瘡形如豌豆故以名焉脈洪數者是其候也
天行熱毒未解欲生豌豆發熱疼痛宜服解肌出汗葛根石膏湯

葛根 麻黃 石膏 黃芩 芍藥
各壹兩 各兩 貳兩

桂枝 甘草
各半兩

麩末每服四錢水一盞半煎八分溫服取小汗
自汗者去麻黃

斑豆始有白疱忽搯入腹漸作紫黑色無膿日夜叫煩亂者鬱金散

鬱金一枚
甘草壹分 水半碗 煮乾 去甘草 片切 焙乾為細末 真腦子 炒 半錢

同研每一錢匕以生豬血五七滴新汲水調下不過二服甚者毒氣從手足心出如癰狀乃差此是

五死一生候也

此患小便澀有血者中壞也瘡黑厭無膿十死不治斑豆煩喘小便不利鼈甲湯

燈心 鼈甲
壹把 貳兩

水一升半煎六合去滓溫分作二服

斑豆定煩喘淡竹瀝飲子

淡竹瀝

煖飲之。煩喘自汗。瘡不作黑厭。可治。

定煩喘麻黃甘草湯。

麻黃 杏人 桑白皮 甘草 各壹分

咬咀。水一升。煎四合。放溫分減服。若脈數有熱。以竹瀝代水。一半煎之。嗽或喉痛。加射干一分。

斑豆瘡出不快。紅花湯。

紅花子 壹合 槌碎

水半升。煎百沸。去滓。分減服之。

斑豆服涼藥太過。欬嗽。手足冷。脈遲。甘草乾薑湯。

乾薑 半兩 甘草 壹兩

咬咀。水一升。半煎六合。分作二服。

常行瘡豆。紫草湯最良。患其服之。太少不能中病。但多槌切好紫草。以湯沃之。用物合定。候溫去滓。分減服。每紫草半升。用湯一升為準也。

斑豆已出。不可正爾發表。更增斑爛。以表虛故也。

豌豆瘡欲出。甘草湯。

甘草 肆兩

細剉水二升煎一升去滓分減溫服覺腹中微利即止

油飲子 飲清油一升即不生

豌豆斑瘡不快表裏不解煩喘大便祕氣攻腹滿犀角升麻湯

麻黃壹分半

木香

犀角

升麻

芍藥

甘草

杏仁

枳實

雄黃各壹分

大黃中兩

麝香壹錢

咬咀水二升煎一升半下大黃再煎一升去滓下雄麝末沸勻分作三服以大便通為度

瘡已出定方

芒硝 豬膽

和研勻塗之勿動痂落無瘢仍臥黃土末上良

天行瘡豆預服此則不發三豆飲子

赤小豆 黑豆 菘豆各壹升

甘草壹兩

淨淘水八升煮熟逐日空心任性食豆飲汁七日永不發

瘡豆發斑下利赤黃或膿血遍身發熱梔子薤鼓湯

好鼓半升

薤白貳兩

肥梔子拾陸枚

水二升半。煮梔子。薤白。將爛。下豉。再煮十數沸。去滓。分減服。解下惡物差。

傷寒總病論卷五

天行溫病論

辟溫疫論

青筋牽論

赤脈攢證

黃肉隨證

白氣狸證

黑骨溫證

溫病噦方論

黃病

傷寒感異氣
成溫病壞候
及瘧證

敗壞別行方

小兒傷寒

天行溫病論

龐曰：辛苦之人，春夏多溫熱者，皆由冬時觸冒寒毒所致。自春及夏至前爲溫病者，素問仲景所謂傷寒也。有冬時傷非節之暖，名曰冬溫之毒，與傷寒大異。即時發病溫者，乃天行之病耳。其冬月溫暖之時，人感乖候之氣，未即發病，至春或被積寒所折，毒氣不得泄，至天氣暄熱，溫毒乃發，則肌肉斑爛也。又四時自受乖氣而成府藏陰陽溫毒者，則春有青筋牽，夏有赤脈攢，秋有白氣狸，冬有黑骨溫，四季有黃肉，隨治亦別有法。難經載五種傷寒，言溫病之脈行在諸經，不知何經之動，隨經所在而取之。中風木傷寒金。

熱病火。濕溫水。溫病土。治之者各取其所屬。據難經溫病。本是四種傷寒。感異氣而變成溫病也。土無正形。因火而名。故以溫次熱也。土寄在四維。故附金木水火而變病。所以王叔和云。陽脈浮滑。陰脈濡弱。更遇於風熱。變成風溫。陽脈洪數。陰脈實大。更遇其熱。變成溫毒。溫毒爲病最重也。陽脈濡弱。陰脈弦緊。更遇濕氣。變爲濕溫。脈陰陽俱盛。重感於寒。變成溫瘧。斯乃同病異名。同脈異經者也。故風溫取足厥陰木。手少陰火。溫毒專取手少陰火。溫瘧取手太陰水。濕溫取足少陰水。手少陰火。故云。隨經所在而取之也。天行之病。大則流毒天下。次則一方。次則一鄉。次則偏着一家。悉由氣運鬱發。有勝有伏。遷正退位。或有先後。天地九室相形。故令升之不前。降之不下。則天地不交。萬化不安。必偏有宮分。受斯害氣。莊子所謂運動之泄者也。且人命有遭逢。時有否泰。故能偏着一家。天地有斯害氣。還以天地所生之物。以防備之。命曰賢人知方矣。

辟溫疫論

療疫氣令人不相染。及辟溫病傷寒屠蘇酒。通俗文曰。屋平曰屠蘇。廣雅云。屠蘇。庵也。然屠蘇平而庵園所以聚會以禦寒。故正旦會飲辟溫酒。而以屠蘇爲名也。

大黃

桂枝

桔梗

川椒

白朮

拾銖

烏頭

菝葜

防風

各銖

咬咀縫囊盛以十二月晦日早懸沉井中至泥正旦平曉出藥置酒中屠蘇之東向戶飲之屠蘇之飲先從小起多少自在一人飲一家無病一家飲一里無恙飲藥酒三朝還置井中若能歲歲飲可代代無病當家內外井皆悉著藥辟溫氣也忌豬肉生葱桃李雀肉等

辟溫粉

芎

朮

白芷

藁本

苓陵香

等分

爲末每壹兩半入英粉肆兩和勻常撲身上無英粉蚌粉亦可凡出汗太多欲止汗宜此法入溫家令不相染研雄黃并噉法

水研光明雄黃以筆濃蘸塗鼻竅中則疫氣不能入與病人同床亦不相染五更初洗面後及臨時點之凡溫疫之家自生臭穢之氣人聞其氣即時以紙筋探鼻中噉之爲佳不爾邪氣入上元宮遂散百脈而成斯病也以雄黃點之則自不聞其氣并辟諸惡怪夢神良

常以雞鳴時存心念四海神名三七遍辟百邪惡鬼令人不病溫

東海神阿明

南海神祝融

西海神巨乘

北海神禺強

每入病人室存心念三遍口勿誦

古今名賢傳許季山所撰千數散辟溫疫惡疾不相染着

附子一個·壹分者 細辛 乾薑 麻子 柏實各壹分

細末和入柏實麻子令勻酒服方寸匕服藥一日十年不病二日二十年不病三日三十年不病受師法保應三日服之歲多疫則預服之不飲酒并花水服亦得忌豬肉生菜

辟溫殺鬼丸薰百鬼惡氣

雄黃 雌黃各貳兩 羖羊角 虎頭骨各柒兩

龍骨 鼈甲 陵鯉甲 蝟皮各叁兩

樽鷄拾伍枚·無·以堯青五枚代 空青一兩·無·以石綠代 川芎

真朱砂各伍兩 東門上鷄頭壹枚

細末以蠟貳拾兩併丸鷄頭大正旦門前燒壹丸男左女右臂上帶一丸辟百惡獨弔喪問死吞下壹丸小豆大天陰大霧燒壹丸於門牖前極佳

務成子螢火丸主辟疾病惡氣百鬼虎狼蛇虺蜂螫諸毒

五兵白刃盜賊凶害者冠軍將軍武威太守劉子南從尹公受得此方永平十二年於虜界交戰敗績士卒掠盡子南被圍矢如雨未至子南馬數尺矢輒墮地虜以為神人各解圍而去子南以方教

子及諸兄弟爲將者，皆未嘗被傷。累世祕之。漢末青牛道士得之，以傳安定皇甫隆。隆傳魏武帝，乃有人得之。故一名冠軍丸，一名武威丸。曾試此法，一家五十餘口俱染病，唯四人帶者不染。

螢火

鬼箭削取皮羽

蒺藜各壹兩

雄黃

雌黃

礬石各貳兩

羶羊角

鍛竈灰

鐵錘柄入鐵處燒魚各壹兩半

爲末，以鷄子黃丹雄鷄冠一具和之。如杏子大，作三角絳囊，盛住丸帶左辟。若從軍繫腰下，勿離身。若在家掛戶之上，辟絕賊盜溫疫神良。

劉根別傳曰：潁川太守到官，民大疫，掾吏死者過半。夫人郎君悉病。府君從根求消除疫氣之術。根曰：寅歲泄氣在亥，今年太歲在寅，於聽事之亥地穿地深叁尺，與深同，取沙叁斛着中，以淳酒叁升沃其上。府君從之，病者卽愈，疫氣遂絕。於聽事取太歲六合之地也。

青筋牽證

春三月青筋牽證，其源自少陰。少陽從少陰而涉足，少陽之氣始發，少陰之氣始衰，陰陽怫鬱於腠裏皮毛之間，因生表裏之病。因從足少陽發動，反少陰，則藏府受癘而生其病。

肝府藏陰陽毒氣病，頸背雙筋牽急。先寒後熱，其病相反。若府虛爲陰邪所傷者，則腰強急，腳縮不伸。府中欲折，眼中生花。此法主之。不可作灸散。

柴胡地黃湯

柴胡貳兩

生地黃伍合

香豉伍合

生薑

石膏各肆兩

桂枝半兩

大青

白朮

芒硝

梔子人各壹兩

咬咀水七升煎三升去滓下芒硝溫飲一盞日三四服未差再作

肝府藏陰陽溫毒病頸背牽急先寒後熱其病相反若藏實則為陽毒所損眼黃頸背強直若欲轉動即

合自回側不可作

石膏竹葉湯

淡竹葉貳升

梔子人

黃芩

升麻

芒硝各壹兩

細辛

玄參各半兩

石膏肆兩

車前草壹升

咬咀水陸升先下竹葉車前草煮肆升去滓下諸藥煮二升去滓下芒硝化勻溫飲一盞

赤脈攢證

夏三月行赤脈攢病其源自少陰太陽

心府藏陰陽溫毒氣身熱皮肉痛起其病相反若藏實則為陽毒所侵口乾舌破而咽塞若府虛則為陰

邪所傷戰掉不定而驚動不可作石膏地黃湯

石膏

生葛根各肆兩

麻黃貳兩

玄參參兩

知母半兩

梔子人

大青

黃芩

芒硝各壹兩半

濕地黃半升

咬咀水九升取四升去滓下芒硝烱化勻溫飲一盞日三四服

黃肉隨證

四季月終餘十八日行黃肉隨病其源從太陰陽明相格節氣相移三焦寒濕不調四時閉格而起則藏府之病隨時而受癘陽氣外泄陰氣內伏

脾府藏溫毒病陰陽毒氣頭重項直皮肉強其病相反藏實則陽疫所傷蘊而結核起於頸下布熱毒於分肉之中上散入髮際下貫顛顛隱隱而熱不相斷離不可作玄參寒水石湯

羚羊角屑

大青各壹兩

升麻

射干

芒消各壹兩半

玄參肆兩

寒水石貳兩半

梔子人貳兩

咬咀水七升煎至三升去滓下芒消烱化勻溫飲一盞日三四服

扁鵲云灸肝脾二腧主治四時隨病

白氣狸證

秋三月行白氣狸病。其源從太陽繫于太陰。太陰受淫邪之氣。則經絡壅滯。毛皮堅堅。發泄邪氣。則藏府傷溫。隨狀受癘。

肺府藏溫病。陰陽毒氣。其病相反。若府虛則陰邪所傷。乍寒乍熱。損肺傷氣。暴嗽嘔逆。不可作宜石膏杏人湯。

石膏 肆兩

杏仁

前胡 各貳兩

甘草 壹兩

梔子人

麻黃

紫苑

桂枝

大青

玄參

葛根 各壹兩半

咬咀水。玖升。煎四升。溫飲一盞。日三四服。

肺府藏溫病。陰陽毒氣。其病相反。若藏實則為陽毒所損。體熱生斑。氣喘引飲。不可作宜石膏葱白湯。

豉 半升

葱白連鬚 貳兩

石膏

生薑 各肆兩

梔子人

升麻

大青

芒硝 各壹兩半

咬咀水八升。煎三升半。去滓。下芒硝。烱化。勻溫飲一盞。日三四服。

黑骨溫證

冬三月行黑骨溫病。其源從太陽少陰。相搏蘊積。三焦上下壅塞。陰毒內行。藏府受客邪之氣。則病生矣。腎府藏溫病。陰陽毒氣。其病相反。若府虛則為陰毒所傷。裏熱外寒。意欲守火而引飲。或腰痛欲折。腎府

藏溫病陰陽毒氣其病相反若藏實陽毒所損胸脇切痛類如刀刺心腹彭脹服冷藥差過而使洞泄不可
散作煮苦參石膏湯

苦參

生葛各貳兩

石膏

濕地黃各肆兩

梔子人

茵陳

芒硝各壹兩半

香豉

葱白各半升

咬咀水八升煎三升半去滓下芒硝烱化勻溫飲一盞日三四服

扁鵲云灸脾肝腎三腧治丹毒黑骨溫之病

知母解肌湯療溫熱病頭痛骨肉煩疼口燥心悶或是夏月天行毒外寒內熱者或已下之餘熱未盡者

或熱病自得利有虛熱煩渴者

麻黃

甘草各壹兩

知母

葛根各壹兩半

石膏叁兩

咬咀水三升煎一升去滓溫飲一盞若已下及自得利下虛熱未除者除麻黃加葛根成三兩病常

自汗者亦如此法加葛根無汗而難得汗者加麻黃成一兩半因變泄者除麻黃加白薇人參各一

兩加水四升煎至一升半

溫病噦方論

伏熱在胃令人胸滿氣逆逆則噦若大下後胃中虛冷亦致噦也

溫病有熱飲水暴冷嘔。茅根葛根湯。

茅根

葛根

各半升

水四升。煮去半。去滓。溫飲一盞。

溫病熱未除。重被暴寒。寒毒入胃。蘊結不散。變嘔。梓皮飲子。

單煮梓皮汁。稍稍飲之。佳。

溫病積飲冷。冷結胃中。熱入腎中。變壯熱大嘔者。服梓皮湯。夫腎中有熱者。病差後。足心皮喜剝脫去。頭髮禿落。是其證也。

溫病胃冷變嘔。茅根橘皮湯。

白茅根

半升

橘皮

壹兩半

桂枝

葛根

各壹兩

咬咀。水三升。煎去半。去滓。溫飲一盞。嘔止。停後服。微有熱。減桂半兩。微有熱。宜去桂。加生薑二兩。

溫病有熱飲水暴冷嘔。枇杷茅根湯。

枇杷葉

茅根

各半升

水四升。煮去半。去滓。稍熱飲之。一二盞。已上四方。皆不可作煮散。

溫病者。此熱入腎。腎藏惡燥。熱盛則腎燥。腎燥故渴。引飲而自救也。

萎蕤湯療冬温及春月中風傷寒發熱頭眩痛咽乾舌強胸中痛心胸痞滿腰背強

萎蕤 白薇 麻黃 獨活 大杏人生 芎藭

甘草 青木香 葛根各壹兩 石膏壹兩

咬咀水五升煎二升半去滓飲一盞通口服之取汗若一寒一熱者加朴消半兩大黃壹兩半朴消末後下

黃病證

黃病者一身盡痛發熱面色洞黃七八日後結熱裏有血當下之如狔肝狀有血必狂宜抵黨湯如黃病自下血亦有自愈者其人小腹滿急若眼睛澁痛鼻骨疼兩膊及項強腰背急則是黃候大便澁但得小便利則不慮死矣不用大便秘多則心腹脹為不佳此由寒濕在表則熱畜於脾胃腠理不開瘀熱與宿穀相搏鬱蒸不得消散則大小便不通故身體面目皆變黃色黃候其寸口近掌無脈口鼻氣冷者死

療諸黃膏髮煎

亂髮兩雞子大 豬骨捌兩

二味煎令髮消盡研絞去滓分二服病從小便去有人再病胃中乾糞下便差

又方

瓜蒂貳拾柒箇。水壹升煎去半。頓服之。

黃疸目黃不除。瓜丁散。

瓜丁細末

含水畜豆許。深入鼻中。黃水出盡爲度。

孫真人曰。凡遇天行熱病。多內熱着黃。但用瓜丁散內鼻中。黃水出乃愈。卽於後不復患病黃矣。常須用心警候病人。四支身面。微似有黃氣。卽速行瓜丁散。不可令散漫。失候必大危矣。特忌酒麪色欲。犯者死。黃家日晡發熱。而反惡寒。此爲女勞。得之膀胱急。小腹滿。身體盡黃。額上反黑。足下熱。因作黑瘡。大便必黑。腹臙脹滿如水狀。大便黑澹者。此女勞之病。非水也。腹滿者難療。消石礬石散。

消石

礬石

等分搗篩。以大麥粥汁和服。方寸匕。日三。重衣覆取汗。病隨大小便去。小便正黃。大便正黑也。大麥則須是無皮麥者。千金方云。消石二分熬令燥。礬石一分熬令燥。故注之。

傷寒感異氣成溫病。壞候并瘧證。

病人素傷於風。因復傷於熱。風熱相搏。則發風溫。四肢不收。頭痛身熱。常自汗出不解。治在少陰厥陰。少陰火·厥陰木不可發汗。汗出則讖語。內煩擾不得臥。善驚。目光無精。治之復發其汗。如此者醫殺之耳。

風溫之爲病脈陰陽俱浮汗出體重其息必喘。嘿嘿但欲眠下之則小便難發汗則譫語加溫針則耳聾難言但吐下之則遺尿宜萎蕤湯。方在溫病賦方論中因發汗後身體不惡寒而反惡熱無下證者名曰風溫知母石膏湯。

知母 壹兩

石膏 壹兩

葛根

萎蕤 各叁分

甘草

黃芩

升麻

人參

杏仁

羌活

防風 各半兩

咬咀水三升煎一升半去滓溫飲一盞通口與之取汗。

病人素傷於寒因復傷於寒變成溫瘧寒多熱少者華佗赤散主之。在寒疫治法中

寒熱相半者丹砂丸。兼治間日瘧子

丹砂

人參 各壹錢

附子 壹箇半兩者

細末蜜丸梧桐子煎竹葉湯吞下二三十丸發前三服中病則吐或身習習麻木米中病加至四十丸間日發前如法服中病即止。

溫瘧內熱甚昏昏嘿嘿者麥奴丸主之。方在可汗門中

溫瘧其脈如平身無寒但熱骨節煩疼時嘔白虎加桂枝湯。

石膏 肆兩

知母 壹兩

甘草 半兩

粳米 壹合

桂枝 叁分

咬咀水三升半。煮米熟。去米下藥。取一升半。溫飲一盞。

溫瘧之爲病。先熱後寒。

病人嘗傷於濕。因而中喝。濕熱相搏。則發濕溫。病苦兩脛逆冷。腹滿。又胸頭目痛苦。妄言。治在少陰。不可發汗。汗出則不能言。耳聾。不知痛所在。身青而色變。名曰重喝。如此者醫殺之耳。

治濕溫如前證者。白虎湯主之。

方在傷寒厥陰門中。

濕溫多汗。妄言煩渴。石膏甘草散。

石膏 甘草 等分

細末。漿水調下二錢匕。日三服。

龐曰。愚醫昧於冷熱之脈。見足脛冷。多行四逆輩。如此醫殺者。不可勝計。濕溫脈小緊。有如傷寒脈。但證候有異。數進白虎。則脛自溫而差也。

病人素傷於熱。因復傷於熱。變爲溫毒。溫毒爲病最重也。

本太陽病不解。轉入少陽。小柴胡證罷。此爲壞證。知犯何逆。以法治之。

寸口脈洪而大。數而滑。洪大榮氣長。數滑胃氣實。榮長卽陽盛。怫鬱不得出。胃實卽牢難。大便苦乾燥。三焦閉塞。津液不通。醫復發汗。令陽氣盛不周。復重下之。大便遂祕。小便不利。榮衛如搏。五心煩熱。兩目如

火鼻乾面赤舌燥齒黃而大渴過經成壞病。巢氏亦載此一候。今列入證中。經手神效方附。

三黃石膏湯 治如前證。

石膏 壹兩 研 黃連 黃蘗 黃芩 各半 兩

香豉 貳合 半 梔子 五箇 麻黃 叁分

咬咀水三升煎取一升分三服未中病再一劑其效如神。

深師方曰傷寒已八九日三焦生熱其脈滑數昏憤身熱沉重拘急或時呻吟欲攻內則沉重拘急由表未解直用汗藥則毒因加劇古方無表裏兼療者思以三黃湯解其內有所增加以解其外故用三黃石膏湯。

論曰傷寒發汗或下或誤後三焦熱脈候洪數譫語不休晝夜喘息鼻中屢衄血而疾勢不解身目如發黃狂躁欲走宜三黃石膏湯。

以上四種溫病王叔和所謂同病異名同脈異經者也風溫與中風脈同溫瘧與傷寒脈同濕溫與中濕脈同溫毒與熱病脈同唯證候異而用藥有殊耳誤作傷寒發汗者十死無一生。

敗壞別行方

天行病經七日已上熱勢彌固大便祕澁心腹痞滿食飲不下精神昏亂恍惚狂言異語其脈沉細衆狀

之中無一可救。決計附子鼈甲湯。不可作
煮散。

鼈甲

白蘚皮

茵陳 各半
兩

細辛

桂枝

白朮

吳茱萸

附子

枳實 各壹
分

大黃 叁分

生薑 壹兩

咬咀。水三升。煮一升。溫作三服。

傷寒將理失節。服冷藥太多。伏熱在臧。手足厥逆。爪甲稍青。恐陽氣漸衰。成陰毒氣。踟躕之間。變入狐惑。面色斑斑如錦紋。木通桂枝湯。

木通

桂 各壹
兩

吳茱萸

細辛 各壹
分

甘草 半兩

葱白 陸莖

棗 玖箇

咬咀。水二升半。煎一升二合。去滓。溫作四服。

傷寒三日至四七日。勞瘡不歇。熱毒不止。乍熱乍寒。乍差乍發。動作如瘡。鼈甲恆山湯。

鼈甲

恆山

牛膝 各叁
分

大青

牡丹 各半
兩

石膏 貳兩

烏梅肉

甘草 各壹
分

淡竹葉

豉

生麥門冬

生地黄 各貳合
半

咬咀。水五升。煎二升半。溫飲一盞。

傷寒八九日不差。名曰敗傷寒。諸藥不能治者。鼈甲犀角湯。

鼈甲

升麻

柴胡

烏梅肉

枳實

犀角屑

黃芩 各半兩

甘草 壹分

生地黄 貳合半

咬咀水三升煎一升半分五服日三夜二

敗傷寒頭痛骨肉痛。荒言妄語。醫所不能療者。用前黑奴丸主之。

方在雜汗證中

龐曰。有人患時氣經六七日。因發狂。遂眼瞪不瞬。手攣臑曲。口噤或有張口者。冥冥不知人事。口鼻氣絕。但心頭溫。面色和六脈皆動。一如尸厥。如此不省五六日。因作成敗計。救用風引湯加附子。嚙下兩服遂省。風引加附子湯。

寒水石

石膏

赤石脂

白石脂

紫石英

滑石 各隨錢

附子 壹箇

龍骨

大黃

乾薑 各肆錢

甘草

牡蠣粉 各貳錢

桂枝 叁錢

龐末每服三錢匕。水一盞煎至七分。去滓溫飲之。

小兒傷寒證

小兒傷寒發熱。自汗多啼。葛根芍藥湯。

葛根 叁分 芍藥 甘草 黃芩 桂枝 各半兩

麤末每服三錢水一盞煎六分去滓溫溫作二服相次與之熱盛者去桂加升麻半兩無汗者加麻黃一兩喘者加杏子半兩

龐曰小兒傷寒始因壯熱不除被湯丸下後其項強眼瞤弄舌畜搦如發癩狀久則哽氣啼聲不出醫以爲驚風屢服朱砂水銀牛黃參粉巴豆竹瀝之類藥皆無驗此由誤下後毒氣結在心胸內熱生涎涎裹諸藥不能宣行所致也蕩涎散

粉霜 壹錢 膩粉 貳匣 芫花 壹分

細末煖漿水調下一歲半錢病勢大者再服白色着底者粉霜也宜盡嚥之良久得睡取下黑黃涎裹包丹砂之類皆成顆塊啼聲便出立安

龐曰小兒結胸亦如前狀但啼聲出醫亦多作驚風治之其脈浮滑試以指按心下則痛而啼宜半夏黃連括樓湯斟酌服當下黃涎便差 方在結胸門中

小兒傷寒蒸起風熱發癩手足搐掣不省蛇皮湯

麻黃 大黃 牡蠣 黃芩 各肆錢

寒水石

白石脂 赤石脂 石膏 紫石英 滑石 各捌錢

人參

桂枝

龍齒 各貳錢

甘草 參錢

地退皮 壹錢

龕末每肆錢水一盞半煎七分溫分二服熱多者進三服以水并竹瀝中半煎尤佳。

小兒傷寒後胃中有熱煩悶不食至日晚潮熱頰赤躁亂嘔吐蘆根湯。

生蘆根

生茅根

赤茯苓

子芩

麥門冬

甘草

生薑 各壹分

小麥

糯米 各貳百粒

細到水一升二合煎六合去滓分三服立効。

小兒傷寒欬嗽胸膈痰壅喉中呀呷聲射干湯。

射干

麻黃

紫苑

桂心

半夏 各半兩

甘草 壹分

龕末每服三錢水一盞半生薑汁少許煎六分去滓入蜜半匕烱化勻溫作二服。

又方甜葶藶湯。

甜葶藶 炒

杏仁 炒

麻黃 各等分

龕末每二錢水一盞煎五分溫溫分減服。

小兒傷寒後盜汗體熱咽乾犀角黃耆湯。

犀角屑 茯神

麥門冬 黃耆

人參 各半兩

甘草 壹分

麤末每三錢水一盞煎五分溫服。

小兒傷寒裏不解發驚妄語狂躁潮熱鈎藤大黃湯。

鈎藤皮 當歸 甘草炙 芍藥各半兩 大黃叁分

麤末每叁錢水一盞煎陸分溫服以利爲度。難利者間茵陳丸服。方在傷寒門中此方不唯治傷寒常時小兒傷食作驚發痢不乳溫壯噉唾皆可斟酌與服以利爲度。

傷寒總病論卷六

傷寒雜方

妊娠雜方

傷寒暑病

通用刺法

傷寒死生候

熱病死生候

溫病死生候

天行差後禁忌

解仲景脈說

解華佗內外實說

辨論

與有位辨傷寒論書

總論音訓

脩治藥法

傷寒雜方

冬夏傷寒發汗極効時雨散

冬春及夏初行之大驗

蒼朮

肆兩

甘草

麻黃

各貳兩

豬牙皂角

肆挺

爲末每服二錢水一盞煮三兩沸和滓溫服蓋覆取汗出立効但是時行寒疫皆宜服此可多合以拯貧民

傷寒頭痛玄精石方。

石膏 太陰玄精石各壹兩 麻黃貳兩 甘草半兩

龕末每服四錢水一盞竹葉二七片煎七分去滓溫飲不計時候。

傷寒頭痛不止瓜蒂牙硝散。

藜蘆壹錢 瓜蒂叁錢 牙硝貳錢 腦麝各少許

細末吹少許入鼻得嚏則愈。

時氣八九日喘悶煩躁麻黃杏子湯。

桔梗 麥門冬各壹兩 麻黃壹兩半 杏仁 黃芩 甘草各叁兩

龕末每五錢水一盞半煎八分溫溫日可四五服。

時氣腦熱頭疼不止朴消散。

川朴消研生油調塗頂上。

時氣豌豆瘡出不快心神煩悶犀角五香湯。

犀角屑 丁香 乳香 木香各半兩 玄參 升麻各壹兩 麝香壹分

龕末每五錢水一盞竹瀝半盞煎八分溫溫日三四服。

妊娠雜方

妊娠時氣。令子不落。伏龍肝散。

伏龍肝為末。水調塗臍下。乾時易之。疾差乃止。

妊娠傷寒。內熱極甚。令不傷胎。含鷄子法。

取鷄子。以絹袋貯投井底。浸令極冷。旋破吞六七枚。佳。

妊娠傷寒。腹脹。大便不通。喘急。牽牛散。

大黃 鬱金 青橘皮 各壹兩

甘草 叁分

牽牛子 取末 貳兩

細末。不計時。薑湯調下二錢。以利為度。

妊娠傷寒。服汗下諸藥。熱已退。覺氣虛不和。宜與此藥安胎。黃耆人參湯。

黃耆 人參 半夏 陳橘皮 麥門冬 當歸 赤茯苓 各半兩

罌末。每服四錢。水二盞。薑三片。煎七分。去滓。下阿膠末一小匕。烱化。溫與之。日可三四服。

大熱甚胎不安者。不宜前藥。宜用阿膠散。

阿膠末一錢半。竹瀝調下。無竹瀝。用小麥竹葉煎湯調下。

妊娠傷寒四五日已上。心腹脹。渴不止。腰痛重。橘皮枳實湯。

枳實

麥門冬

各參分

陳橘皮

壹兩

益母末每服五錢。水一盞半。生薑四片。煎八分。去滓。溫服。

妊娠熱病。胎死腹中。鹿角屑湯。

鹿角屑

一兩

水一椀。葱白五莖。豉半合。煎陸分。去滓。溫作二服。

又方。益母草飲子。

益母草絞汁。飲半升。卽出。

治傷寒小產。惡露不行。腹脹煩悶欲死。大黃桃人湯。

朴消

大黃

二味等分末之。每一錢。或二錢。桃人去雙人皮尖。碎之。濃煎湯調下。以通爲度。日三服。

小產後。其惡露被熱烝斷不行。地黃飲子。

地黃汁

藕汁

各壹椀

生薑汁

一盞

令和煖。溫分三四服。微有寒。煎二十沸服之。亦下死胎。

傷寒產後。血運欲絕。紅花散。

紅花 荷葉 薑黃 等分

末之炒生薑小便調下二錢。

凡傷寒小產夏月宜少用醋炭多有煩悶運死者。

傷寒產後惡血衝心悶亂口乾生薑小便飲子。

生地黃汁 藕汁 小便 各一盞

和勻煎三兩沸溫熱分作三服。

傷寒產後惡露爲熱搏不下煩悶脹喘狂言者抵黨湯及桃人承氣湯主之。二方在下門中。

傷寒小產後煩悶大躁渴石膏。

黃連 黃芩 甘草 括樓根 各壹兩 石膏 壹兩半

麤末每服四錢水一盞半煎八分溫服一盞。

傷寒暑病通用刺法

龐曰凡過經不解識語者當刺期門隨其實而瀉之刺期門之法須待脈弦或浮緊刺之必愈餘刺之不差以正取肝之邪故也期門穴直乳下當腹傍近脇骨是穴針入一寸。

傷寒發熱嗇嗇惡寒其人大渴飲水者其腹必滿小便不利而自汗出其病欲解此爲肝乘肺名曰縱當

刺期門。

腹滿誠語。寸口脈浮而緊。此爲肝乘脾。名曰橫。當刺期門。

下血而譫語。此爲熱入血室。但額上汗出者。當刺期門。隨其實而瀉之。濺然汗出者愈。

婦人中風發熱惡寒。其經水適來。得七八日熱除。脈遲身涼。胸脇下滿。如結胸狀而譫語。此爲熱入血室。當刺期門。隨其實者而取之。

太陽與少陽併病。頭痛或眩時。如結胸。心下必堅。當刺瀉肺臑大杼。慎不可發汗。發汗則譫語。譫語則脈弦。五日譫語不止。當刺期門。

傷寒喉痺。刺手少陰。腕骨小指後動脈是也。刺入三分補之。佳通里二穴。去腕後一寸。是手少陰之經。主熱病喉痺。減入三分。可灸三壯。

傷寒妊娠。腹滿不得小便。腰以下腫如水氣狀。懷孕七月。太陰當養。此心氣實。當刺瀉勞宮及關元。小便利即愈。勞宮手掌中央。屈名指取之。關元在臍下三寸。

傷寒飲水過多。腹脹氣喘。刺中脘。鳩尾下三寸。

傷寒汗不出。脊強。喉閉煩滿。針大杼。大杼穴在第一椎下兩傍。相去各一寸五分。針入一寸。瀉之。

傷寒餘熱不盡。皮膚乾燥。針曲池。在曲肘橫紋頭。針可透下。瀉之。

熱病汗出。脈反順。可汗者。取之魚際。太淵。太都。太白。瀉之則熱去。補之則汗出。太甚者取踝上橫紋。以止

之。魚際在大指本節後。內側散脈中。太淵在掌後陷中。太都在足大指本節後陷中。太白在足內側核骨下陷中。踝上橫紋。不說穴名。當是足內踝上二寸。名曰腹溜。主骨寒熱汗注不休故也。

熱病七八日脈口動喘而眩者急刺之汗且自出淺刺手大指間。合谷穴是也。

熱病先胸脇痛手足躁刺足少陽補足太陰。據傷寒皆忌土敗木賊證。是足少陽木受邪。當傳尅脾土。故宜瀉足少陽之丘墟。而補足太陰之太白。素問云。補足太陰者是也。其全元起太素。作手太陰而以肺經。從肺出腋下。故胸脇滿痛。又有引虛則索筋於肝。不得索之於金。而以手太陰為是。既言不得索之於金矣。而復求金乎。是必不然也。既瀉於木。理不合更補於金。若補於金。則木反受尅矣。故當補脾土無

疑

熱病先手臂痛刺手陽明太陰汗出止。太陰絡列缺穴在腕上二寸半。刺七分。陽明商湯穴在手大指次指端。去甲如薤葉。刺三分。

熱病始於頭首者刺項太陽而汗出止。天柱穴在項后髮際。大筋外廉陷中。可刺五分。瀉之。

熱病先眩冒而熱胸脇滿刺足少陰少陽。足少陰涌泉穴。在兩脚心陷。屈足口指宛宛中。刺入七分。瀉之。無令血出。足少陽俠谿穴。在小指歧骨間。本節前陷中。

熱病始足脛痛者先取足陽明而汗出。陷谷穴在足大指次指之間。本節後陷中。針入五分。瀉之。

熱病三日汗不出。怵惕胸脇痛不可轉側大小便血及衄不止氣逆嘔噦煩渴食飲不下針勞宮。在手掌入五分。瀉之。

傷寒死生候

傷寒下利厥逆煩躁不得臥者死。

傷寒厥逆六七日發熱而利者生汗出利不止者死但有陰無陽故也。

傷寒欬逆上氣。其脈散者死。謂形損故也。

夫病者實則讖語。虛則鄭聲。重語是也。直視讖語。喘滿者死。下利者亦死。

傷寒脈陰陽俱緊。口中氣出。唇口乾燥。勑臥足冷。鼻中涕出。舌上胎滑。勿妄治也。

傷寒脈浮而洪。身汗如油。喘而不休。水漿不下。形體不仁。乍靜乍亂。此爲命絕也。又未知何藏。先受其災。若汗出髮潤。喘而不休。此爲肺先絕也。陽反獨留。形體如煙熏。直視搖頭。此爲心先絕也。唇吻反青。四肢縶習者。此爲肝先絕也。環口利黑。柔汗發黃。此爲脾先絕也。溲便遺失。狂言目反直視者。此爲腎先絕也。

傷寒脈順。四時夜半得病。日中解。日中得病。夜半解。更不傳也。

熱病死生候

熱病陰陽交者。熱煩身燥。太陰寸口脈兩衝尙躁盛。是陰陽交死。得脈靜者生。

熱病得汗。身冷脈欲絕。其人已安靜。但昏沉喜睡。急與四逆輩。令手足溫。不爾。熱寐而卒。

熱病陽進陰退。頭獨汗出。死。陰進陽退。腰以下至足有汗出。亦死。陰陽俱進。汗出已。熱如故。亦死。陰陽俱

退。汗出已。寒慄不止。口鼻氣冷。亦死。

熱病所謂併陰者。熱病已得汗。因得泄。是謂併陰。故治。熱病所謂併陽者。熱病已得汗。脈尙躁盛。大熱汗

出雖不汗。身和而衄。是謂併陽。故治。

熱病不知痛所在。不能自收。口乾渴甚。陰頭有寒者。熱在骨髓。死不治。

病若譫語妄言。身當有熱。而反四逆。脈沉細者。死。

熱病在腎。令人渴。口乾。舌焦黃赤。晝夜引飲不止。腹大而脹。尚不厭飲。目無精光。死不治。

熱病所謂陽附陰者。腰以下至足熱。腰以上寒。陰氣下爭而還。心腹滿者。死。

熱病所謂陰附陽者。腰以上至頭熱。腰以下寒。陽氣上爭而還。得汗者。口

熱病得汗。脈減。躁身和面赤。此爲榮未交。待時自已。肝病待甲乙之例。素問云。榮未交日。今且得汗。待時而已。

熱病七八日。脈微。小病者。溲血。口中乾。一日半死。代脈日死。

熱病七八日。脈不數而喘。後三日有汗。三日不汗。四日死。未曾汗。勿庸刺。

熱病身面發黃。面腫。心熱。口乾。舌卷焦黃黑。身麻而臭。伏毒傷肺。中脾者。死。

熱病瘈瘲狂言。不得汗。瘈瘲不止。伏毒傷肝。中膽者。死。

熱病汗不出。出不至足。嘔膽吐血。善驚不得臥。伏毒在膽。足少陽者。死。

溫病死生候

有病溫汗出。輒復熱。而脈躁疾。不爲汗。汗衰狂言。不能食。病名曰陰陽交。見三死而未見一生。寅申巳亥辰戌丑未

年有此證。溫病得病便短息微悶神識惺惺脈尺寸反者死。子午卯酉年有此證。

凡溫病人三二日身熱脈疾頭痛食飲如故脈直疾八日死四五日頭痛脈疾喜吐脈來細十二日死此病不療八九日脈不疾身不痛目不赤色不變而反利脈來牒牒按不彈手指時時大心下硬十七日死。心下不硬者生。天行差後禁忌。

飲酒合陰陽復病必死生鱸羹麪酒葑蕒繅蓴豆粉犬羊肉腸血生菓油肥之類食之皆發熱黃下利不救諸勞動皆致復尙可治女勞多死。

解仲景脈說

龐曰動脈見於關上下無頭尾厥厥動搖名曰動也陽動則汗出陰動則發熱關位占六分前三分爲陽後三分爲陰若當陽連寸動而陰靜法當有汗而解素問云陽加於陰謂之汗當陰連尺動而陽靜則發熱素問云尺蠱爲熱中若大汗後形冷惡寒者三焦傷也此是死證脈按之虛軟戰汗而解脈按之有力躁汗而解脈虛微必經汗吐下無津液作汗陰陽自衝愈。

跌陽在足大指次指間上行五寸是足陽明胃脈也。名曰衝陽穴也。

少陰脈在足內踝後跟骨上動脈陷中是足少陰腎脈也。名太谿穴。

仲景云按寸不及尺握手不及足謂醫者只憑尺寸不診衝陽太谿也。

龐曰：寸口脈浮大，浮爲虛，醫反下之，爲責虛取一實，大爲無血，反飲冷水，令汗大出，爲守空迫血，致跌陽脈亦浮虛，虛寒相搏，則噎也。若跌陽脈不浮而但滑者，則胃寒而噦矣。

龐曰：伏氣之病，謂非時有暴寒而中人，伏毒氣於少陰經，始雖不病，旬月乃發，便脈微弱，法先喉痛似傷，吹則下利喉痛，半夏桂枝甘草湯主之。下利有諸證，用通氣四逆湯主之。方在少陰證中。此病三二日便差，古

方謂腎傷寒是也。

半夏 桂枝 甘草 生薑

各壹兩。

咬咀，以水三升，煮一升，每一盞，細呷之。

龐曰：君子春夏養陽，秋冬養陰，順天地之剛柔也。謂時當溫，必將理以涼；時當暑，必將理以冷；涼冷合宜，不可太過，故能扶陰氣以養陽氣也。時當涼，必將理以溫；時當寒，必將理以熱；溫熱合宜，不可太過，故能扶陽氣以養陰氣也。陰陽相養，則人氣和平，有人好攝生者，盛暑亦複衣避風，飲食必熱，而成發黃脫血者多矣。盛寒之時，云井暖，當服以涼藥而成吐利，腹痛者多矣。此皆憑庸人妄傳，以爲實理，往往橫天而尙不覺知，深可傷也。此是平人將理之法，其有夙熱痼冷者，須當順其性爾。

解華佗內外實說

魏志華佗傳：有府吏兒尋，李延共止，俱頭痛身熱，所苦正同。佗曰：尋當下之，延當發汗，或難其異。佗曰：尋

外實。延內實。故治之宜殊。卽各與藥。明早並起。某深疑陳壽誤用內外字。華佗本意也。病者頸痛。身熱惡寒。爲陰邪外實。法當發汗。病者頭疼身熱。但蒸蒸發熱。不惡寒。爲陽邪內實也。法當下之。所謂外實者。外爲陽爲表也。陽氣爲寒所折。爭於表間。陽衰而陰勝。故發熱復有惡寒之證。可以汗而發之。以復陽氣也。所謂內實者。內爲陰爲裏也。極陰變陽。寒甚生熱。陽氣反勝而入裏。故胃府內實。蒸蒸作熱。不惡寒。可以泄利以復陰氣。言實者。非正實。乃邪實也。素問云。邪氣盛則實。所以知。佗傳內外二字差謬矣。

辨論

近世常行煮散。古方湯液存而不用。蓋古方升兩大多。或水少湯濁。藥味至厚。殊不知聖人專攻一病。決一兩劑以取驗。其水少者。自是傳寫有舛。非古人本意也。唐自安史之亂。藩鎮跋扈。至於五代。天下兵戈道路艱難。四方草石。鮮有交通。故醫家省約。以湯爲煮散。至有未能中病。疑混而數更方法者多矣。沿習至今。未曾革弊。古方湯液。實於今世爲無用之書。唐徐氏大和濟要方。減其升兩。雖則從俗。患其太省。故病未半而湯劑已竭。鄙心患之。自顧抄撮斟酌。積三十餘年。稍習其事。故敢裁減升兩。庶從俗而便於行用。或一方而取半劑。或三分取一。或四分取一。或五分取一。或增其水。有可以作煮散者。有病勢重專用湯攻者。或云古升秤省三升。准今之一升。三兩。准今之一兩。斯又不然。且晉葛氏云。附子一枚。准半兩。又云。以葢當升。以分當兩。是古之升秤。與今相同。許人減用爾。今之爲醫者。多是愚俗。苟且衣食。貪冒貨賄。

大方廣論何以該通。唯密窳鄙淺方枝。使人不窺其隙。以自矜大。乘便爲神工。致遠恐泥其天柱。固已多矣。鮮有多聞博識者。雖時有之士大夫。咸鄙其爲術。自非不顧流俗。以拯濟爲心。則不能留神焉。今解釋前言。詳正脫誤。擇其篤論。刪其繁方。仍增入新意。不敢穿鑿。冀新學易見。覽斯文已得其七八矣。此方皆古聖賢撰用。其効如神。更不一一具姓名載其所出。其間自有所見。經手得驗者。其緝成卷。在識者覽而知焉。

上蘇子瞻端明辨傷寒論書

安時所撰傷寒解實。用心三十餘年。廣尋諸家。反覆參合。決其可行者。始敢編次。從來評脈辨證。處對湯液。頗知實効。不敢輕易謬妄。誤人性命。四種溫病。敗壞之候。自王叔和後。鮮有明然詳辨者。故醫家一例作傷寒行汗下。傷寒有金木水火四種。有可汗可下之理。感異氣復變四種溫病。溫病若作傷寒行汗下必死。傷寒汗下尙或錯謬。又況昧於溫病乎。天下枉死者過半。信不虛矣。國家考正醫書。無不詳備。雖此異氣敗壞之證。未暇廣其治法。安時所以區區略意。欲使家家戶戶。閱方易爲行用。自可隨證調治。脈息自然詳明。不假謁庸粗。甘就橫天者也。設有問孫真人云。今時日月短促。藥力輕虛。人多巧詐。感病厚重。用藥卽多。又云。加意重複。用藥乃有力。自孫真人至今。相去逾遠。藥反太輕省何也。安時妄意。唐遭安史之亂。藩鎮跋扈。迨至五代。四方藥石。鮮有交通。故醫家少用湯液。多行糞散。又近世之人。嗜欲益深。天行

災多用藥極費。日月愈促。地脈愈薄。產藥至少。何以知之。安時常於民家。見其遠祖所錄方冊。上記昔事跡。其間有廣順年。巴豆每兩千二足。故以知藥石不交通也。且溫疫之病。周官不載。班瘡豌豆。始自魏晉。腳氣肇於晉末。故以知年代近季。天災愈多。用藥極費也。礪石曾青之類。古入治衆病痼癩大要之藥。令王公大人家。尙或闕用。民間可知矣。人蓀當皇祐年。每兩千四五。白朮自來。每兩十數文。今增至四五百。所出州土。不絕如帶。民家苗種。以獲厚利。足以知地脈愈薄。產藥至少矣。湯液之制。遭值天下禍亂之久。地脈薄產之時。天災衆多之世。安得不憐惜而爲糞散乎。故今世上。工治病。比之古人及中工者。幸矣。設有問今之升秤。與古不同。其要以古之三升準今之一升。古之三兩準今之一兩。雖然如此。民間未嘗依此法而用古方者。不能自解裁減。又如附子一枚準半兩。是用一錢三字爲一枚。使人疑混。如何得從俗乎。安時言唐大和年。徐氏撰濟要方。其引云。秤兩與前代不同。升合與當時稍異。近者重新纂集。約舊刪脩。不惟加減得中。實亦分兩不廣。又云。今所刪定六十三篇。六百六首。勒成六卷。於所在郡邑。標建碑牌。明錄諸方。以備衆要。又云。時逢聖曆。年屬大和。便以大和濟要方爲名。備錄如左。已具奏過。准勅頒行。此方已遭兵火煙滅。安時家收得唐人。以朱墨書者。紙籍腐爛。首尾不完。難辨徐氏官與名。卽不知本朝崇文諸庫。有此本否。安時謂裁減古方。宜依徐氏。以合今之升秤。庶通俗用。但增其藥之枚粒耳。是以仲景諸古方次第。復許減半。芍藥湯中載之詳矣。陶隱居云。古今人體大小或異。藏府血氣亦有差焉。請以意

酌量藥品分兩。古引以明。取所服多少配之。或一分爲兩。或二銖爲兩。以蓋當升可也。若一分星較合。如古方承氣湯。水少藥多。何以裁之。所以聖惠方。煮散盡是古湯液。豈一一計較多少。治病皆有據。驗在調習多者。乃敢自斟酌耳。設有問暑熱重於溫病者。宜行重複方。卻多行煮散者何。安時謂夏日多自汗。腠理易開。經云。天暑地熱。經水沸溢。故用煮散。或有病勢重者。卽於湯證之下。注云。不可作煮散也。如此之類者頗多。聊引梗概。俗云。耕當問奴。織當訪婢。士大夫雖好此道。未必深造。宮妬朝嫉者衆。吹毛求瑕。安不爍金。更望省察狂瞽之言。千浼。

台聽。悚息無地。

某再拜。

傷寒論音訓

敘論

漬疾腸切。搏補洛切。瘵之亮切。脆青歲切。脫吐活切。間音澗。澗揮徒安切。滴平洛切。譖之廉切。

泄思列切。澱壯立切。填徒堅切。

太陽證 腰脊強下居亮切。

陽明證 欬丑入切。怫扶物切。憤公對切。

怵惕上。恥律切。悚懼懷怕也。。懊懣上。於報切。

少陰證 沫亡活切。水浮沫也。蹠胡瓦切。跟柯恩切。悸其季切。

厥陰證 虻胡恢切。腹中長蟲也。

可發汗證 浙桑激切。翕許及切。

不可發汗證 朮苦侯切。朮兩邊實。中如倫切。

可下證 瞳徒東切。瞶曠曠。瞶布胡切。妄撮亡活切。三慄。慄力質切。黨底朗切。瘀於謙切。駛山吏切。

不可下證 劬居員切。

結胸證

瘕充至切。惡也。

瘕濕渴證

齒音械。齒齧相切也。

濕證

噦於月切。逆氣也。掣尺折切。牽也。

雜病證

甘爛水

即肝切。熱也。不擊則生。擊之則熟。水之味本鹹。擊熟之則歸土性矣。然土之味本甘故也。崖暴之水。擊之而成沫。乾而成土。水歸土性。故謂之甘爛水。淀徒練切。澆水也。水淺則近

土。甘與甘爛之甘同。

傷寒勞復證

類呼內切。滌而也。殺古環切。牡豕也。謂之殺鼠矢者。得非牡鼠乎。篡先管切。器也。

暑病表證

暍於敬切。中熱也。溫也。

五種暑病

肝痠上戶當切。說文云。脛崑也。下光丸切。疼痛。員澹上胡拳切。下達濫切。

辟溫疫論

蠱丑介切。蟄蟲也。掠力酌切。

青筋牽證

牽輕聖切。引前也。青。東方之色。筋主肝。肝。屬木。謂之牽。有筋牽相連之意。

赤脈攢證

攢芳未切。擊化也。赤。南方之色。脈主心。心屬火。火性炎上。故好爭攢者。相擊化也。故有爭之意。

黃隨肉證

隨旬爲切。黃者中央之色。肉屬脾。脾屬土。土無正形。從在四季。正旺在長夏。謂之隨者。有若從木火金水之意。火生土。故黃肉隨所次列之於赤脈攢之後。顛仁涉切。在耳前曰顛。觀于

切。顛顛耳前動。輸切。

白氣狸證

狸陵之切。白。西方之色。氣主肺。肺屬金。狸口捕物而有殺心。亦若金類。

黑骨溫證 溫烏昆切。黑。北方之色。骨主腎。腎屬水。謂之溫者。亦自水而已。故溫居末。以敘其名焉。

溫噦方證 噦之月切。

黃病方證 瘰丁寒切。瘰火癰也。臚力居切。

敗壞別行 瞪直耕切。怒目直視。瞬式閏切。目動也。莊子瞬曲略也。瞬曰。瞬日視而目不瞬。瞬曲略也。

小兒傷寒 呀呷上。虛牙切。哈呀張目良。下呼甲切。說文云。吸呷也。

傷寒暑病 通用刺法。誠胡譏切。和也。

熱病死生候 瘵癰上。胡計切。下。子用切。

脩治藥法

方中有不脩治者。今不載。

芍藥 赤白利補。

乾薑 炮。

芒消 生。

黃連 洗去鬚土。

梔子 去殼。

生薑 薄切。

大棗 去核。

細辛 去苗洗。

鷄子黃 藥熟方下。

吳茱萸 湯洗。

桔梗 微炒。

茯苓 赤利白補。

甘草 炙。或炒。

大黃 或生。或煨。

黃芩 不枯者。即子芩是也。

乾葛 須家葛。乾者。

橘皮 陳者去白。

桂枝 刮去蘊皮。

麻黃 去節。去根。

附子 去皮尖。丸散炮。惟湯生用。

阿膠 同上。

人參 去蘆。

豬苓 去黑皮。

澤瀉 去苗。

滑石 研。

枳實 去穢。 麸炒。

烏梅 去核。 取肉。

川椒 去目。 井閉口者。

赤小豆 浸牙。 生暴乾。 惟狐惑證如此。

石膏 研。

粳米 淘。

瓜丁 即瓜蒂也。 末之。

梁上塵 篩過。

飴糖 藥熟方下。

半夏 湯洗七遍。 去蘆。

防風 去蘆。

竹茹 刮淡竹。

五味子 去梗。

豬膚 去膜。 切。

柴胡 去蘆。

當歸 去蘆。 洗。

黃蘗 刮去蘆皮。 或酥。 或蜜炙。 黃紫色。

天門冬 去心。 皮。

白朮 去帶。

杏仁 去皮尖。 麸炒黃。 為湯劑不炒。

龍膽 去蘆。

小麥奴 即小麥。 秀出黑者。 如無。 炒小麥麩黑。

淡竹葉 剉。

牡蠣粉 炒。

蕤花 炒。 如無。 以桃花不炒代之。

李根 甜李根。 入土者刮去蘆皮。 取白皮。 細剉。

厚朴 蘆。 炒。

茵蔯蒿 去梗。

甘遂 濕倍裏。煨用。赤皮連珠者。

藁本 去苗。洗。

鼈甲 去錯肉。醋炙。魚黃色。

水蛭 水浸。去血。子。米炒。

桃人 去皮尖。麩炒。研。惟入湯生用。

龍骨 研。

葶藶子 隔紙炒。研。甜者用。

貝母 去心。麩炒。

硫黃 研。

硝石 研。

地黃汁 取自然汗。若用濕地黃則切。

漢防已 紋如車輪。氣連者。

薏苡人 去殼。

芫花 醋泔。新瓦上煨。火炒。焦紫色。

大戟 炒。

木通 刮去鱗皮。

鼓 惟湯中以編袋。煮之。

蠹蟲 去翅足。糯米炒。

蜀漆 洗去腥。

朴消 生。

括樓 焙。無黃脈者。

雄黃 研。

太陰玄精石 味鹹者。

代赭 杵碎細。加入湯用則綿裹。

芎藭 即川芎。

黃耆 去蘆。

檳榔 半生半煨。

旋復花 去梗。

禹餘糧 槌碎。

荊芥穗 去梗。

薤白 切。

麝香 研。

肉豆蔻 煨。

茴香 炒。

枇杷葉 炙。刷去毛。

秦朮 去蘆。

甘菊 須家園且葉者。或鄂州白菊亦佳。

生艾汁 如無。以水濃研熟艾亦。

大麻人 炒鳴取出。冷地上攤以新塼磨破。篩去皮。以密篩篩過。擇去殼。

犀角屑 懷中令暖。即杵碎。如無。以升麻代之。

青黛 研。

赤石脂 塊剉。

連鬚蕊白 寸切。

茅根 洗。剉。

熟艾 炒焦碾末。以竹篩篩過。

丹砂 研。

石蓮肉 炒。

丁香 不焙。

大青葉 去根。莖。

吳藍 用葉。

竹瀝 淡竹二尺長。截兩頭。以塼閣起。中間火燒。兩頭即竹瀝滴處。以碗盛之。

牡丹皮 去心。

秦皮 剉。以湯浸。傾碗。中碧色者。真。

苦參 取皮。

藜蘆 去蘆。炙。

薔薇莖葉 切。

生射干 去鬚。

鵬砂 研。

草烏頭尖 去黑皮用之。若用烏頭。則皮并尖亦去之。炒焦紫色。惟荆芥散生用。

白礬 枯。與礬石同。惟鵬砂散生用之。

霜梅上白鹽 無。以白鹽代之。

薤根 切。

蘆根 去鬚。切。

生乾地黄 生乾者。

貝齒 燒。研。

獨活 去蘆。

手足指甲 靚隱處燒。

吳朮 去皮。

樺皮 細切。

五倍子 去內中蟲炒。

豬脂 切。

殭蚕 炒。須白直者。而不濕黑者。

礪砂 研。

牙消 生。

焰消 生。

猥鼠矢 頭尖硬者。

葛取粉 搗篩取之。

躑躅 醋炒。

石菖蒲 去毛。

苦酒 米醋是也。

沙參 去蘆。

漏蘆葉 無以山梔子代之。

沉香 不焙。

乳香研

燈心切

紅花子種碎

菝葜去蠟

柏實去殼研

陵鯉甲蝟皮殺鬼丸內生用餘皆煨焦

樗鷄去翅足無切以芫青代之芫青壹枚可準樗鷄叁枚

螢火焙

東門上鷄頭焙

鐵錘柄入鐵槌燒焦者

生葛根切

羚羊角銹杵

前胡去蘆

白茅根去蘆洗

真腦子研

桑白皮切

豬膽川汁

零陵香去梗

虎頭骨銹

殺羊角銹

空青或無以石碎代之

鬼箭取羽去木

蒺藜炒以新墾磨去刺

車前草切

口參去蘆

寒水石洗

紫苑去蘆

白薇去苗

亂髮 皂角水洗。以清水洗之。

白蘚皮 去心。

牛膝 去蘆。酒浸三宿。夏間一宿。

紫石英 光明者。研。

龍齒 研。極大者。

小麥 淘。

茯神 去皮木。

蒼朮 去蘆皮。

猪牙皂角 刮去黑皮。或酥。或蜜炙。

枳殼 麸炒。去穢。

藕汁 切。研。

荷葉 焙。

不艸皂角 去兩頭及皮子。

巴豆 去皮心膜。或炒焦紫色。或用湯煮。研細。壓去油。皆可。惟茵陳丸生用。趙泉黃骨去皮。槌碎。

羌活 去蘆。

生麥門冬 去心。

白石脂 燒。

粉霜 研。

蛇退皮 纏竹柱上。慢火炙。

糯米 淘。

釣藤皮 刮皮。鈎用。

青橘皮 去白。

牽牛子 半生半炒壹兩。取末半兩。入一下。

鹿角屑 杵。

生薑汁 用自然汁。惟不用滓。

天南星 炮。惟荆芥散生用。

百合去心。如入湯用。則水浸一宿。拍碎去白沫。惟石合滑石散□□□□。

麻黃湯末 桂枝 □□□□藥方皆在可發汗證。皆□□□□秤一半。和勻煎服。

不可作煮散方

陽毒升麻湯 陰毒甘草湯

熱病乾薑附子湯 青筋牽柴胡地黃湯

赤脈攢石膏地黃湯 黃肉隨玄參寒水石湯

白氣經石膏杏仁湯 黑膏溫苦參石膏湯

溫噦茅根葛根湯 梓皮飲子

茅根橘皮湯 枇杷茅根湯

溫病壞後三黃石膏湯敗壞別行附子鱉甲湯

已上除不可作煮散方外。凡湯劑言咬咀者。如咬咀菱藕之滓狀。今之龜末是也。凡齋末每服四錢。水一盞半。煮八分。瀘去滓。得七分為準。內有半夏附子為毒藥之類。每四錢水二盞。入生薑三片。煎七分。內有或用朴硝。或用阿膠。或用飴糖。或用焰硝。或用雞子清。皆煎成湯後。去滓下之。內或用竹瀝煎者。每四錢水一盞二分。煎至七分。下竹瀝三分。煎至七分。內或用大黃者。虛人入大黃同煎之。如難得通利人。每服

四錢。水一盞半。煎至一盞。別入大黃半錢。同煎至七分。又難得利者。以湯浸濃大黃汁三二分。同煎之。以
取利爲度。政和歲次癸巳。門人布衣魏炳編。

龐先生傷寒論序

龐安常自少時喜醫方爲人治病處其死生多驗名傾淮南諸賢然爲氣任俠鬪雞走狗蹴鞠擊毬少年豪縱事無所不爲博弈音技一工所難而兼能之家富多後房不出戶而所欲得人之以鑿聘之也皆多陳其所好以順適其意其來也病家如市其疾已也君脫然不受謝而去中年乃屏絕戲弄閉門讀書自神農黃帝經方扁鵲八十一難經皇甫謐甲乙無不貫穿其簡策紛錯黃素朽蠹先師或失其意學術淺薄私智穿鑿曲士或竄其文安常悉能辯論發揮每用以治病幾乎十全矣然人疾詣門不問貧富爲便房曲齋調護寒暑所宜珍膳美蔬時節其飢飽之度愛老而慈幼不以人之疾嘗試其方如疾痛在己也蓋其輕財如糞土耐事如慈母而有常似秦漢間任俠而不害人似戰國四公子而不爭利所以能動而得意起人之疾不可爲數他日過之未嘗有德色也其所摛輯傷寒論皆其日用書也欲掇其大要論其精妙使士大夫稍知之然未嘗游其庭者雖得吾說而不解若有意於斯者讀其書自足以攬其精微故不著著其行事以爲後序云前序海上人諾爲之故虛其右以待元符三年三月豫章黃序

重雕宋刻傷寒總病論札記

此書摘取張長沙之大要。辯論精妙。其有證而無方者。上溯內經。旁及他書。參己見。爲增損進退之法。實能發仲景未盡之意。而補其未備之方。是爲龐氏之撰著。非僅述而不作也。故所引原文。每有刪削。觀諸家抄本。多有異同。或未見宋刻。傳寫互異。或依據張書。增補失真。故今將宋刻龐論翻雕。未敢輒改原文。卽有抄本。義長者。亦第摘取備考。別疏爲札記。附於後。丕烈又識。

序文啓。

薛本顯本此上俱有軾字。居右。

再拜。

薛本顯本此上亦有軾字。略小。

後序

三行自少時。

原本無時字。

六行皇甫謐。

謐當作謚。

七行悉能辯論發揮每用以治病。

薛本作悉能辯明考正用以治病。

七八行不

問貧富爲便房曲齋調護寒暑。

薛本作不問貧賤富貴均爲調護寒暑。

八行時節其飢飽之度。

薛本無之度二字。

九行耐事。

薛本作耐子。

十行他日過之。

薛本過作見。

十一十二行故不著著其行事。

原本不重著字。

目錄第一面「結胸證」以前宋刻原缺各本亦無按目錄計缺一葉有半而此葉板心刻四葉不知目錄前尚有文字否今因無從補刊故仍其缺不敢妄作也。

錄前尚有文字否今因無從補刊故仍其缺不敢妄作也。

卷第一

一面十行冰也。案也字衍。薛本。薛本俱無。十一行其有。顯本有作人。非。又勞房。薛本房作力。

三面二行故須。薛本作又。非。四行而變暑病。顯本病下有所宜二字。七行有平居者。薛本作有卑。顯本有卑。

四面三行揮散。薛本顯本揮俱作揮。四行。薛本此上有粗字。

四面六行欲溫。原本欲字破損。今照顯本補。薛本張本皆作飲。非。

五面六行足。薛本作更。按更字是。十一行虛寒。顯本作虛汗。非。

六面二行一二日發以上連風府。薛本一上有當字。以下有其脈二字。

七面後三行大湯劑。原本大作人。今依薛本改。

八面十三行自微汗。薛本自作身。非。九面五行大便已鞭。薛本鞭作鞭。按原本鞭作鞭者甚多。不能悉止。皆當從鞭為是。後倣此。

九面十四行而又脈。顯本又作反。九面三行當二三日發。原本作二三日誤。今依薛本改。張本作三四日是。三行而聾。薛本作而耳聾。顯本作耳聾。四

行相載。薛本作相搏。

十一面二行傷寒三四日陽為盡。薛本作傷寒三日三陽為盡。顯本作傷寒三四日。三陽為盡。案當依薛本是。

十二面五行注故芍藥。薛本作但。以芍藥。九行於寐也。宋本有脫誤。案仲景原文。當作作欲寐也。

十三面五行故以小辛之藥溫散。顯本作故以溫散之藥。

十四面十三行已合治之。薛本作已即合消之合治之。顧本已作匕。案當作各別搗師。已合治之。薛顧本皆誤。

十五面十一行熬香。薛本香作乾。非。

十六面六行氣上衝心中痛熱。顧本重心字是。

十七面一行當不得食。薛本顧本得俱作能。案能字是。

十八面六行次治其厥。顧本次作須。十行永宜此方。薛本張本永俱作亦。

十九面二行醫。顧本作逆。

十九面十四行與太陰。顧本無與字。案原本與字。疑衍。

卷第二

二十二面六行指梢。薛本梢作指。七行增寒。顧本作增。是。十二行翁翁熱。薛本熱上有發字。

二十二面二行憎寒。原本作增誤。今依薛本改。以下憎寒及後二行皆倣此。

二十四面二行注當發證。顧本發下有汗字。又注青龍湯似桂枝證。薛本湯下有者字。似作以。案似字不誤。

二十五面一行勢如。薛本如作加。案當作加是。

二十六面五行黑凌。薛本凌作麥。九行及。顧本作皮。十一行注蜻粉。薛本蜻作拌。非。

二十六面十二行以失。薛本以作似。二十七面八行注此若軟緊而遲。原本若字破損。照薛本補。張本同顧本。作此浮緊而遲。并無若字。誤甚。

二十八面六行少氣逆。薛本氣字下重一氣字。案氣字當重爲是。十一行氣微絕。顧本微作欸是。

二十九面九行穀不得前。薛本前作消非。

二十九面十四行萎勝。薛本勝作升。顧本同。按當作升爲是。三十一面一行五倍子。薛本作五味子。顧本同。案小青龍湯本方有五倍子。無五味子。當作五味子爲是。

三十一面十四行去仁參。薛本仁作人。顧本同。案當作人爲是。三十二面二行支結。薛本支作支。

三十四面九行互。原本作玄誤。顧本作弦。薛本張本均作互。案互字是。今改。

三十五面十一行大柴胡湯。薛本不重胡字。顧本同。案重者乃衍字也。

三十八面三行在壯熱但主利。薛本在作發。主作下。案當從發從下爲是。

三十八面十二行表證在。薛本在上。有仍字。

三十九面十三行注開下關上。薛本顧本皆作關上關下。四十面三行咽躁。薛本同顧本。躁作燥。案當作燥爲是。三行方有。薛本同顧本。有作在。案當

作在爲是。

四十面十一行拘忌。顧本忌作忽。四十一面三行煩喘。顧本喘作渴。

四十二面十三行微喘。顧本喘作熱。

四十三面十行開陰。顧本作關。十一行同。

四十四面八行桂枝甘草湯主之。薛本作桂枝甘草龍骨牡蠣湯主之。十一行並宜火劫治之。薛本宜下有依字。四十五面一行自爲

黃。薛本自有身字。自作目。二行蓄血若去。原本若作君誤。今照各本改。

卷第三

五十面一行注為陽。薛本為下有發於二字。張本同。

五十一面八行發後無汗。薛本發下有汗字。顯本同。十行引小腹入陰筋者。各本同。案此乃仲景傷寒論原文。但原文引上有痛字。此痛字似不可少。

五十二面三行注雜發汗。薛本同張本。雜作可案。案當作可為是。六行如被杖。薛本張本如字上俱有身痛二字。案此亦仲景原文。本有此二字。十四行勿以煙出。

薛本以作使。

五十三面三行通逐。薛本張本逐俱作達。五行裏熱藥。薛本顯本裏俱作裏。按當作裏為是。

五十四面三行為狀。薛本為下有病字。四行其面乍黑乍白。薛本張本面字下皆多乍赤二字。乍白下皆多微於二字。四行咽乾。薛本張本咽乾下皆多苦參湯洗之五字。

五行注雄黃云云止。張本另提行起。有苦參半斤。槐白皮四兩。狼牙根四兩。右剉。以水五升煎三升。半。洗之。云云。二行方另提行起。按病者脈數云云。薛本此方。附注于上。又則熱。

薛本張本則俱作無。案金匱本文作無。四行細末一行後。張本多通治狐惑。黃連一兩。蘘草二兩。右為末。每服四錢。水一盞。煎八分。去滓。溫溫服之。云云。三行薛本亦多此方。附注於上。

九行美。薛本顯本俱作美。十一行浙然。各本俱作浙。

五十五面一行兩瀆字。原本均作潰誤。今照各本改正。

五十六面一行如煎洗。薛本張本煎洗俱作前浸。按下有瀆字。若用浸字則重意。當作如前洗為是。十三行所至。薛本至作致。五十七面一行反不惡寒。

案仲景原文無不是。

五十七面按此葉非宋刻原刊。四行而故薛本張本故俱作熱。又而避害原本避字模糊。今依薛本張本補。又而爲郡若汗太多原本模糊。薛本張本俱作

汗大俱作太。顯本郡作口。大亦作太。八行強項薛本張本俱作項強。按項字原本係壞字。作只。而抄本亦誤作日。顯本亦誤作日。薛本張本俱作令熱。又熱令薛本張本俱作

十八面四行斷齒各本俱作齧齒。案斷字誤。當作齧爲是。四行注方在可下門中薛本同張本顯本門俱作證。

五十八面五行濕證張本證作候。六行注水證張本水上有可字。案可字當有。七行身汗出薛本張本身下俱有重字。五十九面一行濕家

下之額上汗出微喘小便不利者死案此乃仲景原文也。但原文乃小便利者死。以額汗微喘爲風湯無根。而上脫加目小便利爲陰氣不藏而下泄。故主死也。若小便利。乃濕家本

症。何云死耶。薛本張本並同。又按尤在涇金匱心典曰。一作小便不利者死。謂陽上游而陰不下濟也。亦逆。

五十九面五行含水畜薛本畜作播。七行可與杏仁薏苡湯薛本作可與麻黃杏仁薏苡甘草湯。六十面一行故使之耳薛本張本之俱作然

二行則極薛本作痛劇。

六十面五行溢水薛本溢作添。顯本作溫。七行喝證張本證作候。十二行弦而細芤而遲薛本無兩而字。十二行口前開薛本作口開前

十三行反熱甚薛本反作發。

六十一面七行宜苦酒艾原本苦作若誤。今照薛本顯本改。按苦酒卽醋也。九行茯苓桂枝湯主之薛本作茯苓桂枝甘草大棗湯主之。六十二面二

行酒二盞煎二盞四分薛本同張本。作酒二盞煎一盞四分。顯本作酒二盞四分煎二盞。二行膀胱薛本作臍傍。

十八面後九行理中治中焦薛本治上有者字。

六十五面三行伸吟薛本張本伸俱作呻。按當作呻爲是。

六十九面五行肉豆蔻薛本燧作蔻。顧本作設誤。

七十一面十二行血不止原本作上。今依薛本改正。

七十三面一行蟹瘡薛本作蟹。按此誤。當作蟹。後四行同。

七十五面十三行草一分薛本張本草上皆有甘字。按原本脫去。

七十七面三行且至晚薛本且作旦。

七十九面十三行灰燒薛本無燒字。十三行陰頭薛本陰頭下俱有穴字。八十面二行陰卵薛本卵作卵是。五行去皮尖薛本去皮核

皮核爲是。蓋大棗亦無尖可去也。

卷第四

八十一面八行爲暑病其熱此五字原本破去。係描寫出者。八行此行內除傷字而字三陽傳三字。餘皆描寫者。九行如見按如字原本破去。描作如字。薛本如作而。

八十二面十四行鼓半此二字原本破去。今依薛本張本補。八十三面四行見形薛本形下有證字。五行豆壞一如薛本如下有候字。張本在壞字下。

八十三面十行腎熱病者案內經下有頤先赤三字。八十四面四行洗淅薛本同張本。顧本俱作先淅。按此亦內經刺熱文。本作先淅。倡當從先爲是。四行頭痛

不任各本皆同。按內經作頭痛不堪。六行脗痠薛本脗作脚。非按內經作脗痠。

八十四面十行亡逆薛本顯本亡俱作無。十四行葦蒂薛本顯本葦俱作瓜。按當作瓜爲是。

八十五面六行法焉薛本張本俱作云。顯本作也。八行走疰薛本疰作注。十行五拾粒薛本張本下皆有去皮二字。

八十七面八行甘草薛本無此味

八十八面七行謫居薛本謫作調非

九十面四行每各本皆作毒按毒字是

九十一面二行隱癩薛本癩作疹

九十二面四行杏仁默妙原本妙字破去今依薛本顧本補

同顧本下字下有利字

九十三面三行憎寒原本作增誤今依各本改

九十五面一行自汗本薛張本同顧本作自安

九十五面四行嗽或喉痛薛本或作而

卷第五

一〇〇面五行手太陰水薛本顯本水俱作金按當從金爲是

一〇一面八行鼻竅中薛本竅下有內兩陷三字中下有傍字

一〇二面二行柏實薛本此下尙有射于枳實二味

薛本亦作蝟願本作驪亦誤

八十九面一行七銖薛本作三錢又注於上方曰二十四銖爲一兩合今三銖是古之七銖也

七行何由衰散大腑久祕薛本大作六顧本衰作表按當作衰个是

薛本癩作疹

十三行一盞薛本盞下有小字十四行永不發薛本發下尙有一發字十四行或下後薛本

十四行白濃本薛同顧本膿按當作膿爲是

又黑厭薛本厭作黧

薛本厭作黧

薛本或作而

七行相形薛本形作刑十一行注庵園薛本園作圃

九行以紙筋探鼻中嚏之薛本作以紙筋紐鼻中嚏出之

三行三日服之薛本張本同顯本之作遇疑誤七行蝟按原本作螺誤以後脩治藥法內所引證之當作蝟今改正

一〇二面十三行五兵白刃盜賊凶害。薛本此八字接連上行諸毒下。而者冠軍云云。另提行起者。又作昔。一〇三面五行住丸。薛本住作五。又左

辟。各本俱作臂。八行地深叁尺與深同。張本地深之深作潤。薛本尺下有廣字。顧本與作餘。

一〇三面十二行反。張本顯本俱作及。又其病。薛本病下有相反二字。十三行府。薛本作附。一〇四面六行合自。薛本自作身。

一〇四面十三行所侵。薛本侵下有內熱二字。又咽塞。薛本塞下有聲嘶二字。一〇五面六行開格。薛本開作開。顧本作關是。八行毒氣。薛本氣字選接其病

相反四字。而下又多若府虛則陰邪所加八字。方接頭重。頸直。皮肉強痺八字。頸字原本作項。痺字原本所無。八行頸下。薛本下作側。

一〇五面十三行臙。原本作論誤。今依各本改。一〇六面二行狀。薛本作秋。八行生班。張本顯本皆作斑。

一〇七面一行陽毒。薛本陽字上有則為二字。一行彭。薛本顯本皆作彭。

一〇八面十行煎去。薛本去作取。

一〇九面四行汗。原本誤作汁。今依薛本張本改。七行洞。薛本張本同顧本作口。

一一一面七行素傷於寒因復傷於寒。薛本上寒字作風。張本下寒字作熱。十行米中病。薛本來作未。未字下又多一來字。疑衍。張本顯本皆作未。

一二二面三行病苦。薛本苦作若。三行又。顧本作及。十一行素傷於熱。薛本熱作寒。

一二二面。按此葉宋本原缺。張本顯本亦皆無。今照薛本補全。又以顧抱冲所抄玉字泰治字本校其異同。亦載于此。十二行本太云云。顯抄本連上。十三行寸口云云。顯抄本

本亦連上。又數滑。顯抄本作滑數。十三行陽盛佛鬱。顯抄本陽作熱。佛作沸。十四行如搏。顯抄本如作相。一一三面一行注亦。薛本

原作六疑誤。今顯抄本改。二行湯字下。顯抄本有不可作煮散五字。又治如前證。顯抄本此四字在前一行下。四行麻黃。顯抄本此下有去節二字。五行咬咀。

此二字顯抄本缺。六行深師方曰此四字顯抄本無。六行呻吟顯抄本此下有而已二字。七行未解此下顯抄本有今且用解毒湯。則拘索不差十一字。又古方字

顯抄本作而。又思思字上顯抄本有意字。七行解字顯抄本作救。又故用三黃石羔湯顯抄本故字上有是字。三黃兩字無。湯字下空一格。有前用三黃石膏湯一句。九

行論曰顯抄本作。九行身目顯抄本作身眼。十行湯字下顯抄本空一格。有前方二字。

一一三面十四行異語薛本異作譌。一一四面五行蜘蛛薛本顯本俱作跣蹶。

一一五面五行荒言薛本荒作譌。七行加附子嚙下薛本嚙作漉。

一一六面四行畜擗薛本畜擗。七行芫花薛本下有米醋浸。擗乾。瓦上炒。八字。

卷第六

一二三面八行大躁渴石膏薛本渴原作湯。刪去石膏。下原有飲子二字。又塗去。旁改括堯湯。顯本作大躁石膏湯。

一二四面八行喉痺原本誤作候今改。九行腹滿薛本滿作滿。

一二四面十行中央顯本中央作先。一二五面一行腹溜薛本腹作復。八行足口指原本此字破損。薛本作中。顯本作捲。顯本亦作口。

一二五面九行節後原本此二字破損。薛本節後作大誤。又入五原本此二字亦破損。薛本亦作補。一二六面三行足冷薛本顯本皆作冷。六行利

里黑薛本里作黑。張本作黑。無利字。顯本全。按當從黑。爲是。

一二六面十行得脈薛本得字下有汁字。按汁字當是汗字之誤。十一行熟寐而卒原本無卒字。今依薛本。張本補。顯本亦無。

一二七面六行得汗者薛本張本者下俱有生字。八行代脈日死薛本張本日上俱有一字。十四行汗汗薛本原作汗汗。抹去一字。張本顯本俱不重。

一二八面十一行衝愈。薛本張本衝俱作和。十三行注太谿。原本誤作大絡。今照各本改。

一二八面十四行太谿。原本谿。誤作谿。今改。一二九面四行吹則。薛本吹作次。顧本作久。四行通氣。薛本氣作脈。案當從脈是。

一二九面十二行覺。此字原本半字。破去。描寫作學。各本亦作學。按文義似當作覺。不當作學。故以意改之。一三〇面一行華陀本意也。薛本張本句上皆有非字。按

此處文義似當有非字。五行複陰。薛本顧本有俱作復。按當從復爲是。

一三〇面十一行故敢。原本作故敢誤。依薛本改。十三行淮。薛本顧本俱作准。張本作準。一三一面一行密窞。薛本張本窞俱作守。又方枝。薛本

枝作技。顧本作板。四行其緝。張本其作具。

一三一面八行頗知。薛本知作著。八行明然。薛本張本明俱作炯。十行雖。薛本作惟。十一行略意。薛本張本意俱作述。

一三二面三行令王公。張本顧本令俱作今。又今增至四百。薛本張本此六字俱在上。每兩千四五句下。

一三三面一行古引。薛本作引古。六行安不。薛本張本安俱作寧。又千浼。各本千俱作干。

傷寒論音訓

一三五面十三行苦候切。原本作若使切誤。各本亦誤。今依原本校字作苦候切。改。按查玉篇莠字。本音苦候切。知前人所改非妄。故从之。

一三六面六行牡豕。牡鼠。原本牡豕誤作牡。今改正。十四行金狸口捕物。按原本口似破損。下半字畧有痕迹。倡善字。薛本張本俱作之。疑非。

脩治藥法

一四一面十二行注取自然汗。汗當作汁。

一四四面十二行口參

原本破損·以藥味次第考之·當是玄參

一四六面一行

口口口口

原本破損·不可考·薛本願本亦無·張本作研細用

二行口口

口口口

原本破損·薛本張本口口作湯末口口口作同上

一四六面七行黑膏温膏當作骨

道光癸未歲吳門黃氏士禮屋開雕同邑施南金書

題宋刻龐安常傷寒總病論後

郡中藏書家所謂朱逸文游者。余猶及見其人。家多書。以老故。大半散去。最後一單中有龐安常傷寒總病論。亦第與羣籍並出。主人不以爲宋刻。估人之買者亦未知爲宋刻也。雜置坊間。有識者過而識之。以青蚨五星易歸。自是我輩之好言收藏者。皆爭相購矣。是書先至小讀書堆顧抱沖家。旣而五硯樓袁壽階知之。余亦知之。因壽階先與議易。故歸之。抱沖先見是書。遂先錄其副。抱沖所錄。余未之見。見其友人施君少谷手錄本。少谷時在抱沖家。教其子弟習書法。故見而借抄。抄畢。原書歸壽階。余從之倩工影鈔一本。統而計之。宋刻一。影宋刻者抱沖少谷與余有三矣。厥後余與壽階以影鈔易宋刻。是書遂爲百宋一。廛中物。年來力絀。舉而贈諸藝芸書舍。不意壽階之影鈔者。亦於其身後展轉歸藝芸。于是刻於鈔盡。爲他人所有。余則一無所有矣。刻洪氏集驗方之冬。余忽得一夢。有人謂余何不再刻龐傷寒。醒而異之。遂商諸藝芸。思借鈔入刻。奈藝芸不允。讓影鈔付梓。而允借宋刻備校。適少谷哲嗣稻香欣然輟贈其先人手澤。付諸剞劂。于是復以宋刻較影鈔。而知少谷之影鈔爲功不小也。三卷三十三葉。唯少谷影鈔本有之餘本都缺。想少谷鈔後。抱沖始鈔。鈔時偶失之。自是宋刻缺此葉。已後影鈔本皆失之。非余之重刻。不知宋刻缺此葉。非少谷之影鈔。不知宋刻之原未缺此葉也。書之經人拆散傳錄。其弊有如此者。不可

不警也。其中五卷十五葉。宋本缺。惟薛性天家鈔本有之。字跡行款。與原本殊。未知何據。後見抱沖所鈔者中。亦有此葉。謂是從王宇泰活字本補入。今余覆刻。據薛本補。據顧本校。存其異同可耳。宋刻不無誤處。余復借張蒔塘家藏鈔本。薛性天家藏鈔本。顧容安家藏鈔本。雖未知其同出一源與否。而字有異同。悉爲標出。可從者或改正文以就之。未敢信者或存校語以參之。余友張君訥菴素諳醫理。共相參訂。以定校勘數十條。其任檢閱而草創者。余長孫美鏐之力也。是書自王宇泰活字印行之後。未見重梓。卽王本相傳止有二百部。故行世絕少。余姪曾有之。爲友人借去被焚。故未及一校爲憾。朋好中皆想望是書。渴欲一見。故命工梓行。至于是書之深奧。昔安常友人蘇黃兩公已詳言之。不復丐當代名流之儒醫兼通者贅一言已。道光癸未仲春黃丕烈識。